

Aulapkaiyiinni Naittuq

Una Anaqtaut Halummaqhiivik Aulapkainiq Ihumaliurut (Ihumaliurut) piliuqtauyuuq ukunangga Bonito Capital Kuapuriisingat (BCC), inmikkut nanminiriyauyuq havakvik Elgin Uyarakhiuqvinganit (Elgin) ukununnga Ulu Uyarakhiuqniq Havaakhauhiq (Havaakhauhiq) angiqatigiikhimaplugu Imaqmik Laisikhanga 2BM-ULU0914 (Laisikhaq). Tamna Havaakhauhiqvikhaa Kitikmeonmi ittuq Nunavunmi 12 km tununngani Hood River uumanngalu 150 km tununngani Lupin Uyarakhiurvinganit munariyauiqtuq ihuaqhaqtauhimayuqlu 2006mit.

Anaqtautimit iqqakumillu uyarakhiurviup nayuganganit halummaqtauyut atuqhutik Kaipluaqtumik Hunavaluknik Kaantraktigiyauyuq (RBC). Tamna halummaqtirut ingutaaqtumit, ihuarhaqhimayumik halummaqtiriyut piliurhimayuq piiriami tamarmik Halumailrut Aniviakhaanik Ihariaginiq (BOD) Atauttimullu Mikkait Halumailrut (TSS) imaqmit. Halummaqtighimayut anakuut piyuq kuvinikhanganut piliurhimayuq imaqmik laisikhami East Lake-mut ukunuuna 550 miitamik, insuliitighimayuq malruuknik inches-nik turhuaqmik. Piliurninnga qanuritaakhaanik anaqtautip halummaqvikhaa ittuq 40nguyunit uyarakhiurvikmi havaktunik. Angmalihaaqqat, kingulliqaanga iqqakungit anaqtautip halummaqvingani agyaqtauniaqtuq uyarakhiurviup kuviqpiikhaa tahiraq talvani inniaqtuqlu kihimi qanuriliurutingit imaqmit qanuritaakhaanik munariningit nakuukpata angiqtauqpatalu AANDC-kunnit kuvigiami East Lake-mut. Iqqakuq ittuq uyarakhiurviup kuviqpiikhaa tahiraq agyaqtauniaqtuq STP-mut hivulliqaanga piiqturutingit kingulliqaamut halummaqhiyaamiknik.

Piliurhimayuq qanuriliurninnganik halummaqhiivinganik itquqtauyuuq 0.02 m³/halumailrumik angikliyuumiqniaqtuq RBC halummaqhiivingani. Una aktikkulaanga halumailruqtinga kuviyauyukhaq malruukni ukiuni kuviyauniaqtuqlu uyarakhiurvingani itivallaangittumi nunap qaangani iqqakungani, matuyauluni uyaramik.

Aulapkaininnga ihuarhaininngalu havaangit ilaliutiyuuq qiniqluni ihivriuqtukhaq unalu RBC iqqakut qanuritaakhaanik. Pinngittumik aulapkaininnga ihuarhaininnganiklu havaangit piniaqtait ihariagiyaukpat anaqtaut halumailringanik, ingilrautingit qamitpataluuniit ikiyukhaninngalu. Halummaqtut iqqakut ihivriuqtauniaqtut atauhiqmi tatqirhiutimi angirutigilugu Laisikhaq naunaittutlu titiqqangit ihuarhailiraigaangata, uuktuliraigumik qanuriliurninngalu munariyauniaqtuq.

Una Ihumaliurut naunaiqtaa aulapkaitjutikhamut ayurhautingit, huuqlu ayurhautitauyuq ihuarhaitjutingillu piyut RBC-kunnit uuminngalu titiraqhimayut “Havaktakhangit” unalu “Havaktakhaungitangit” ikayuriami nakuuyumik aulapkaiyuq. Ikilimaitpat, qilamiuqtuqtumik havaangit naunaiyaqhimayuq uumani Ihumaliurutimi.